

郝彪佳文稿(二)

北京圖書館藏

祁彪佳文稿（二）

書目文獻出版社

祁忠敏公日記

十五卷

涉北程言

辛未秋冬

涉北程言

予惟身處之境望之而喜者必其涉之而未必安焉者也夫求閒即閒求靜即靜更不必有閒與靜之念若必而維如何而後閒則即閒是忙如何而後靜則即靜是動雖日山林猶市朝也况乎捨地之飛重問馬足處其身於半喧半寂不濃不澹之間未涉已如嚼蠟既涉而轉似茹荼即使兩月未屏息卻居三冬之依棲荒寓似可以閒可以靜矣然而老親弱子故里丘墓之思苟未免有情誰能遣此且也世事之深結人情之反覆即不著於念慮能不整於神明耶有一於是皆足為累是則

予之終不能閒終不能靜而已矣曰程言者言動之得失人程我也夢覺之欺慊我程我也程之而後知予之不能閒不能靜也予之為是記志愧也志悔也辛未除夕遠山堂主人彪佳書於呂祠

辛未七月二十九日為予入都之次日時行李未至床窳

不備予族之在都者携饌餉予舊從稍：未見

八月初一日予未見 朝禮不謁客客至者亦惟張三峩

趙心華胡與華耳兩日未人事不集得執寐解行途勞

初二日都門士紳漸知予至以次來晤者錢瑞呈倪鴻寶

林樹菴金楚曉諸君皆奏律於誼甚為晚同慶鑒照郵

宿於董持阿寓主人出酒饌小酌乃寢

初三日夙興見朝予謁今上之初也朝已復飯於持

阿寓乃出語彭謙木林柳菴余楚晚王尊五李用晦吳

朗公張三峩鍾喜春諸君是日謁部因太宰會推不至

乃返

初四日方欲出肅客而朱茂如至李消盤至陳石泓李金

峩皆繼至已刻方入城晤吳廷祖姜歲勝顏同蘭阮旭

青王東里謝象三陳具茨諸君復謁部太宰傳免

初五日得晤者張舒日金桐原水向若陸芝房曹大來李

洵盤朱北泰馬還初余二機李梅公及馮留仙鄒仙昆

仲也其未而及晤者止顏生壯其一人

初六日早劉闇然未晤為予同門友也出晤曹瑀雲顧繩

我馮楨卿汪月暉鄧望華汪生洲傅右君鄭大白汪生

洲坐談允久午後以待王式如舅不復他出式如舅為

閩中閩幕以輸解入都別三年矣乍見不勝渭陽之情

暨晚吳廷祖馮楨卿馮郭仙謝山持相繼來晤是日作

家報附於包弁

初七日晨起謁溫員嶠相公隨晤李金峩劉闇然孫曉芝

朱廣源傅熙宇朱西崑諸公午後築式殺出談姚大南

亦來晤微雨方止日已暮再入城僅得訪王雲美即宿

於式如舅寓

初八日謁周栝齋相公再晤張晦中申于藩魏倩石宋又

希植開吾李陽傲馬訥齋陳象家倪鴻賓諸公倩石迷

顏壯其文行甚悉時顏致上書當宁倩石止之

初九日晤孔過庭孟顛陽蕭寧喬潘允升周飛石胡芝山

車歸寓客之至者甚眾至不暇應接其面晤者為潘榮

初周飛石陳平人陸芝房吳儉育廖鍾全許嵐淮也最

後李雲鬢車其奉房夏宋李三生未謁備門牆禮午後

疲極遂不能肅客矣

初十日謁吳青門相公不值因晤張日葵謝山持趙旬

龍李明衡閻非臺姚石嶺錢瑞星孟肖彤戴鼎梅周玄

應諸公晚抵吳相公寓復不值予竟日出寓客未晤者

止吳昆池

十一日晤宋金礎吳儉育金雙南李大生王覺四歸寓接

王東里晚出晤郭天門潘葵初謁吳相公復不值遂宿

於橋公兄寓

十二日從橋公兄寓出謁客晤吳昆池許荆岩尹宇新

午後趨謝王覺四致奠於先子覺四留小酌獲接同邑

余兄詩人也予初見其詩於東昌之潤園竟邂逅識之

坐方定孟月形至覺四亦留之談逾刻而別

十三日出晤王玄鑰李瞻草李確卷李於予同觀政時以

師道事者午後復出晤周榮軒章甫生彭讓木最後至

譚梁生寓梁生以病在告晤於榻前言十年前事恍然

一夢梁生言始知姚競初師用情於人所不知是日寓

中叙舊惟宋九青于寓即宋舊寓也九青言向予為主

不一辭予又為客矣真蓬廬也哉

十四日晤朱君顯陳渭濱即飯於寧方兄寓飯罷復晤林

有胎至西方菴訪柴式穀兄弟不遇自辰及酉從西而

東而北復西馬足幾遍都城天微雨至淨業寺荷香來

觸人鼻晚晴望西山一帶翠色撲人歸寓接吳倫育諱

梁生書知選君為予補題之意

十五日靜坐寓中未晤者為秦儼海朱二玄魏倩石章甫

生彭讓木徐善伯晚坐無月旅邸亦不知為中秋也

十六日早出晤文台先許佩宛黃石齋為無奇黃石齋以

候命杜門八閱月矣蕭然一榻真有古名士風午後

不復出於寓中晤陳令威趙景毅李明衡孟肖形康莊

衢金桐原李杰存知虜信頗急虜以一枚用祖帥於大

凌河以一枚攻錦州其困大凌河也携婦女輜重據濠

樹難為久守計

十七日錢稼元宰至叙親誼已出晤李芳燁鍾昭明王游

觀周冲白李雲鬚午後晤衛帶黃何內章最後晤吳祖

洲日已暮矣

十八日方飯張冷石年兄至予吐哺迎之出晤崔仰菴王

禮海兩年伯歸從城外晤姚大南并投郭太薇諸君刺

午後劉德巖坐話久且工日始見鈴部為予題取之疏

又晤章仲山銀臺則知遷梅以特疏請蘇兵提祖帥

無勝形亦無敗局也

十九日予在寓擬策奴疏一道入前而成至寓訪者郭天

門曾瑞雲周冲白聞非臺吳漢生胡芝山黃玉屋尹守

新胡芝山為予談當日奴賊蕩蕩事最詳且藪是日

聞祖帥已破圍出奴氛稍息

二十日予在寓擬疏通錢法疏一道王崑華吳慎梅姚大

南張三我皆至寓相訪王談善前事云善決宜勤亦易

勤也寧方兄向佳米田之飯是日知題取疏奉俞旨

二十一日予在寓閱昭余解拙存馮留仙宋今礎出晤解

為年家兄弟談其鄉流寇之不宜撫與予之策聞事有

相合者

二十二日天微雨予上午在寓陳伯武年兄坐談頗暢頃

之過成山之長君亦至予為過年家子又屬史也故其

同席勸酬至三鼓罷時徐已聞荆關之命矣以荆事詢朱二玄談之媿：是日予擬揮筆疏一通

二十三日兩馬勒思馬還初出晤午後微雨予以備謁甚詔明入城復不值僅晤王冕華歸燈下擬財用疏一通未竟

二十四日竟財用疏午後始晴出晤阮旭青王念生鄭美先於美先寓值胡芝山間虜信尚急

二十五日出晤林樹菴暨過成山之長公即歸時 聖駕出祀夕月諸侍衛已戒嚴矣出城晤劉訥萊劉復來晤借其邸報閱竟日

二十六日以 駕幸西郊諸門嚴扃客無出晤者時季公病復作聖鑿去昌平五日矣坐寓中索寞乃信步行至永光寺則同年朱二玄寓也遠揚忠吾郭太薇二公祖在話久別予邀朱二玄同訪陳伯武始歸燈下竟馬政一疏

二十七日予未起寧方兄至蓋以危 駕自予子門歸故早廟微雨杜門陳二槐及苗稷初年伯之長兄至此外無雜賓晚忽汪照鄰自通州至不數語別去予與姚甥散步半里歸

二十八日胡聖遊相晤午間沈芳揚年伯以札至始知其

起居善也亟往謁之復入城晤黃改菴秦儼海胡聖遊諸君晚宿於族侄寓

二十九日即族侄寓投刺於張二酉母姨夫張以督運至再晤錢梅谷年伯胡練海年兄即歸午食未已阮旭青倪鴻賓方書田汪月掌相繼至是日得家報知老母健飯得邊報知祖師大樂等擊仗賊退數舍客懷以舒

三十日不復出寧方兄替瑋至謁次則晤胡練海金楚晚鄭美先胡凝漢是日擬緝逃兵疏始竟

九月初一日借陳聖鑿姚甥步至報國寺：璋廉冠都城有松十數株為乳為龍如亭如蓋其屈而盤者聖鑿戲

往坐其上此在南中已可受五大夫封矣况北地乎因寓而飛少華張二酉率雲鬢相次至飯後陳渭滿至因借渭濱訪朱二玄年兄劇談歸

初二日欲往西方菴訪茶式毅方出門則林柳菴及蒲中黃徐季林四春元至北抵西方菴式毅已他出矣歸寓

偃息少頃式毅乃至季子木亦至別去入城宿於王雲菜寓是夜體中小不快

初三日晨起即歸寓頭岑：欲就枕而顧壯其至與之言動靜合一之理如人事逐：固動者也苟存靜意便有不與俱動者在少頃許仲嘉姚孟常曹大來黃若水來

不與俱動者在少頃許仲嘉姚孟常曹大來黃若水來

不與俱動者在少頃許仲嘉姚孟常曹大來黃若水來

不與俱動者在少頃許仲嘉姚孟常曹大來黃若水來

初 略午後復赴沈芳揚羊伯召沈於九邊扼塞洞然胸中而談玄談禪無不得與者一夕話真勝諸十年書矣

初 四日雨不止寤寤逾甚王尊五年兄出晤竟日擬從仲

初 五日知諮訪已發車惟靜候公評而已是日擬兵政疏

初 六日程我旋章仲山喬中聖俱於飯後相晤章仲山之

推轂於予出人意令人深國士之感章言關兵已集

二萬以必援祖帥為主祖帥之在大凌粟尚可支至九

月之半但馬乏草耳下午出晤張三茂遠二商使夫亦

在其寓小酌乃別次晤凌若柯許仲嘉乃歸

初 七日有武場門人陳生膺錄者來謁出吊陳令威又晤

解石帆李大生高海若是日擬憲陳中港入都柱史俱

初 郊迎使道過予者姜詔明衛帶黃也頃之屈鵬洲亦來

晤

初 八日季公自前月念五染病十餘日矣未愈予時為之

問醫達錢二兄亦至坐談間徐玄危年伯至午後陳石

泓至陳為先子茂苑同官也談廿年事為之泫然晚與

聖擊散步半里許歸擬海盜一疏

初 九日偶閱子丑諸策擇其可觀者置之案頭李用晦凌

初 茗柯周業軒相繼至午後出謁姜詔明因諮訪之際便

初 投刺迺出城晤趙景毅至日之晷

初 十日徐善伯出晤徐時有荆關差項之劉德嚴亦至劉

將南還遂與言別午後錢梅谷年伯來話間以張二商

候夫相托張督運正錢屬也乃以一字覆張薄晚錢據

出談少頃燈下草家報數行

初 十一日復延醫至予亦以脾疾服藥數日矣鄭善先坐談

即別赴長樂之任飯後方欲就枕而秦儼海李大生相

繼來晤晚與聖鑒訪周友文吳者因步至陳伯武寓

初 十二日朱茂如阮旭青俱來晤二俞兄亦來言其弟世瀾

寬狀是日子擬延劉德嚴柴式毅二兄而劉以行促柴

以病俱不赴乃携一棹於陳伯武寓邀趙景毅朱二玄

笑語移時夜深乃歸

初 十三日陳中港履摠憲任考選諸吏例置一謁予遂隊而

超天微雨歸則予炊熟矣許惺菴出談酌之酒而去

初 十四日晴爽靜坐吟哦未絕季太常至季詞人木天諸公

亦群贊賞者也

初 十五日胡君永清來僕當驚騎縱橫時胡守豐潤孤城四

接俱絕虜圍三日不破功可不朽且云有神異城賴以

全項之喬中聖以差出來言別與趙心華兄相值喬去

趙苗小酌聞予望北寄言中詩數首亦別

十六日林心存未晤午後陳渭璜與其族兄彤垣移席酌予及朱二玄日晚分袂陳即有揭陽之行矣晚擬漕河一疏不數行即就枕

十七日上午竟漕河疏午後寓中晤王念生姚次白禹海

若訖赴陳伯武小酌同席者趙景毅朱二玄禹海若也

十八日候考諸君赴部促考期且求廣省垣之額予以

題考未久不便借住坐部中少頃即先歸午後楊忠吾

吳儉育來晤予入城訪薛大年不值

十九日吞李緝教書李書未云於蘇門見先子題咏墮淚

羊碑命錫於石予因謝之并刻先子所輯牧津為托蔡

蓮生來晤話未久吳淡生至蓮生坐於別室吳去蔡亦

繼去

二十日子擬用人疏一道暇則手祖訓一編門庭蕭索脫

輿聖鑒步出觀射

二十一日方晨起而陳伯武至約武園於次日揭榜掌科

且出矣吾輩當以考期促之少頃彭謙未至談移刺乃

去晚與朱二玄談於蕭寺

二十二日王稜海年伯來晤知李太案病且函別後予稍

理日所擬疏計十篇矣

二十三日予入城逐隊促考至則諸君已散矣乃訪喬中

聖不值迨遠張二南姨夫至談朝事多出予所聞外

午後擬益法一疏

二十四日於寓中擬臣道疏一道馮子閣李雲集來晤

二十五日於寓中擬和衷疏一道蔣安然至與之飲午後

乃去晚與聖鑒步至松筠卷時卜寓焉

二十六日出前門吞箭中春元先施者從前門入城晤林

心存洎晚趙景毅邀與陳伯武朱二玄禹海若酌予醉

歸

二十七日致書於王覺四託手騰用人一疏午間與聖鑒

訪許惺菴許之東家即為予鄰燈下擬漕運一疏

二十八日晨起移寓於松筠卷有精舍數楹可以避容頤

之玉玄禽至晤後往謁李用晦公祖不值

二十九日胡芝山來晤胡時新調樞曹坐間始知有消鑷

邊之遣少頃同聖鑒至僧舍訪高白滿高隨訪于達王

慈徽師紀綱至傳師母命言師無以為殯夫師身為大

臣為法受過至後事不備家無中人產真清德哉予隨

手書以公私莫之數語黃王屋飯後學書數行未已朱

二玄促去小酌同席者劉振賢禹海若趙景毅陳伯武

也

十

月初一日聞非臺來晤將以齋錄差行矣予所携僕四
五人童子二人自家抵都無人不病亦無人不危亦無
人不慮病又李公病未已而旋發延醫殆無痊日是早
送醫者金素卷去乃與聖鑒禮佛為諸人懺悔午後陳
止宜年兄來始知同籍就青德者有榮伯貞章親明范
晏海陸玄兆也燈下作書寄王師二世兄

初

二日出拜同年兄弟得晤者惟陸玄兆葉伯貞耳午間
邀蔡式毅戡毅兄弟及頌壯其一飯客皆名士座中惟
援古訂今不及寒暄一語聞大凌之臥張六竹狗烏悚
然廢箸晚出晤李用晦公祖是日風塵蔽天徹夜方止

燈下作書寄胡厚菴

初

三日作書復蔡延喜已章親明來晤倪鴻寶賴壯其亦
繼至壯其出其所草遺書以示午後高海若邀會於西
川別館即朱二玄坐中諸兄也

初

四日陸玄兆來晤林潯山自通州也運抵京亦來晤晚
許惺菴至偕之坐於僧舍閱其案頭藝文類聚數行

初

五日擬接凌疏柯亭寺一僧至洵晚則王雲萊偕柳白
嶼來訪柳詞客也予自八月二十後奉 俞旨預考選
自是杜門之日十八九今月餘旬矣曾不能讀書幾何
雖擬考選之疏數通要皆拾人牙後昔賢謂日行之事

必與所食等予之索長安米亦可愧夫
初六日天色頗寒是日銓部考試已有呵凍方成文者于
在寓翻閱疏稿日以為課

初

初七日許惺菴至云考得州倅矣晚間遂以杯酒與言別
是日候考諸君往部促期予不欲自異偕之去使道謁
鄭淡石歸則日已過午蔣安然坐寓中待久與之飯舟
作一書復李仲彭則日曠矣

初

初八日知考期已 題言於望後四日作書復姜光揚因
附去家報數行午後回蔡式毅兄弟且歸走其寓話別
語次嘆人情險於山川信哉晚復與聖鑒送許惺菴於

初

其東家
九日方起撒沐王伯良之長公至因詢伯良遺書知詞
曲之外詩文尚富上午無事吟哦頗暢飯後方欲小睡
則林孟誼至別之即入城晤二爾姨夫不知胡與華已
携金待予于寓少飲數巡別去與聖鑒君錫步至陳伯
武寓

初

初十日寓中閱疏稿午睡方起適量數步至手談三局的
五六杯而去是日武試門人鄭弘勳來知武場事有
音再試極部以舉四百斤石張百二十斤弓舞八十斤
刀者為合式

十一日聞邸報知黑帥已歸樞部令其家陳奴賊情形洵
晚商堪軒之八兄自中州至深談乃去是日回舍桐原
札

十二日以手札與商八兄餽之蔬米章父有思至迷關外
事如指諸掌遠寧方兄亦至同飯方舉箸趙心華又至
邀弁酌乃別晚予步至朱二玄寓米方酌予亦得數危
歸則陳伯武已待於寓剪燭談久去

十三日方少改策奴疏錢長吉携陳文至別之則蔣安然
又至予以向所作詞畀之閱蔣擊節不已方與之酌而
朱二玄至亦同酌不以為襲朱別去吳儉育未言考選

請懸看疏已稟擬矣是日得張華東老師書

十四日滿與偕自越中入都未定寓即先顧予談久別去
張二商母姨夫來方坐話間知得 旨科員尚多候補
不准懸缺以待予欲為迎養老母計思得向臺省乃與

聖鑒入城索下筮者不值遂之前門卜之聞聖有白馬
渡江雖日暮席頭城裏看魏巍之句未知何所驗也晚
歸小酌不覺大醉即就寢是日致書彭謙木

十五日避人事於僧舍閱疏終五六篇午後入城晤胡芝
山

十六日循例入部投試卷錢塚以飯餉予予邀朱二玄吳

儉育同之歸則奉雲鬢未晤

十七日聞鈴部示知考選奉 旨安慎有加午睡未起則
予僕之馮姓者危病之中幸以狂死正易之旅所謂在
其童僕也嗟悼久之

十八日予方入部備過堂例則知宋掌科以武閣奉奉
嚴旨考選因請改期矣自前門歸便道晤朱二玄午後
寧方兄來予復與聖鑒姚甥入城擇寓便道訪王雲來

與之登觀星臺觀測驗諸器燈下作書復張華東師
十九日蔣安然至與之觀嘯餘請太霞新奏安然歌一曲
而罷午後風沙不能出遠王覺斯來予出舟中詩求全

針之度覺斯因抵掌談詩必以得風雅性情之正其於
唐也先杜後李以王摩詰鼎峙其間明取李崢峒而大
貶徐鍾即袁石公亦嫌其句易畫惟五律差勝身談至
暮鴉盡歸乃策馬去

二十日與安然聖鑒聯騎卜寓安然別歸予亦未得寓而
返燈下擬溟事疏及半即寢

二十一日竟溟事疏午後出晤林益謙始知卜校晚歸擬
流賊疏因閱典彙至劉六劉七之變破二百餘城向幾
蘇楚中州俱為騷動而不設官不守土其賊也乎

二十二日出授林福慶諸君數判歸邀商八兄一飯談至

日晏別去一燈焚。矣就几擬七田疏并改前擬兵政疏

二十三日劉子林表兄來與之飯因談吾家先世事三十

年間已不勝滄桑之感是日擬備省疏

二十四日手輯所擬考選疏計二十篇方覆玩而彭謙本

至午後睡起蕭寧為亦見顧

二十五日蔣安然偕王培之來王善推算其推于命有佳

運三十年當大貴于笑曰仕路趣味如嚼臘而此未盡

光陰及吾壯也以為友朋山水之樂則可再出二兎命

示之極稱次者佳蓋以五行俱全也是日覆請考期再

得俞音

十六日聖鑒入城訪及于兀坐寓中閱疏稿臨池數行

寄無他事

十七日午後入城寓族侄所與聖鑒聯榻室居塵市車

馬喧黃竟夕不能成寐

二十八日戴星而起飯後入部過堂畢考選以請共臣道

為題于稿就意日尚早及暮寫不半日而入矣乃從而

二十九日知部擬于於臺班一諮之中于獲居次昔人言
天下事惟宰相能行之惟諫官能言之然不得其言與
得言而不言皆負此官者也故予不以善而以懼飯後
出城晝寢僧舍時未奉 俞旨不敢肅容惟尚八先談
於小齋晚跨蹇訪朱二玄不值
十一月初一日于避遊客、必欲晤于得晤者為阮旭青
唐大愚朱茂如彭謙木魏倩石是日為先大夫諱底悲
慟久之乃與蔣安然坐談於僧舍遠寧方兄來張二爾
姨夫亦來日晏始飯、後思少憩則曾瑞雲又來晤矣
送之去與蔣陳二兄再入城卜寓出再訪朱二玄復不
值

初二日張冷石年兄凡一日而三顧于查十冊詩乃錄一

通與之宋又希年兄來晤知其舊寓可居陳聖鑒卜之

吉遂定為他家晤者惟鍾昭明屠愚仙耳

初三日夏國山金楚晚解石帆林福愛質中冷韻同蘭張

三戒未晤張云考選疏初一日已發票矣遠陳伯武至

留之小酌、已陳平入至與伯武同晤之于恐寓居城

外謝 恩後時乃移宿於橋公宅寓晚與聖鑒步訪重

持阿

初四日偕陳聖鑒錢長吉即族侄所遷之新寓仍命閣者

初四日偕陳聖鑒錢長吉即族侄所遷之新寓仍命閣者

於萬謝客值者云是日考選疏始發與張三載傳不合乃以一字詢張燈下讀象山語錄幾一卷至心正則詩亦正動亦正知先生所謂先立乎大者在是矣

初五日飯後蔣安然來方欲別王覺斯初訪予於舊寓披其帷間無人馬乃再訪於此坐間馮楫鄉張三載來晤相繼別去惟留王覺斯小酌王盛稱予五律云七律尚有薄處因以大興劉三字為予感覺斯言詩大縣取神理具足即昨所言得性情之正者至於淡濃平奇在人各出手眼要以此不詭於正宗耳薄暮有邀覺四飲者至耳乃別

一

初六日兀坐寓中余二樓劉梧陽潘與偕未晤薄暮偕陳聖鑒鄭季公散步至城西之文昌祠為己未年先子舊寓也今昔存亡幾於欲絕問向年道士亦無有矣

初七日披閱疏抄餘半卷午後偕聖鑒訪客不值僅與王培之談星而返事梅公忽至坐談於燈影下

初八日以一字與陳平人為季公館教地錢長吉蔣安然相繼至于送錢數步隨與聖鑒扣一荒寺不得入是日吳南羅來晤云太宰少宰俱言考選疏卷尚在 御前閣中伏武舉腫傳後特促以一揭

初九日諸友皆他出意况殊寂草家報數行康莊衢王東

里李雲鬢俱來晤王東里言向在垣時得劉振華者知陳法今用之違撫而大凌劫崇祖師逐出者其人功居多倪鴻寶亦來晤倪方竣武閣事備道授才苦心日將西子策馬訪趙景毅黃双南

初

十日章羽侯相晤坐間數語使人翻吞都消午後與聖鑒地甥出訪客蔣安然過於途借之再扣橋公兄寓步至前門買歷朝投錄及傳奇二種

十

十一日高亦若來晤予入冬以來竟夜多不寐友人慰予小玉自可懶喚何乃寔寔若此予漫應之曰予非漁色者且恐賦從此蕭郎是路人句耳

一

十

十二日坐閱閒快意味恬不自得張二爾缺夫至談次劉平林借玉宇舅之長公至知奴越錦州抵前屯去寧遠第五十里耳祖帥之出圍意且不可測甚為聞門危

之午後林益謙來晤後即訪海若留小酌并邀趙景毅談至更深

十

十三日錢長吉以被訟早至遙劉聞然來因邀其一言於覺于善頌之晤朱比恭別去乃飯後六十三兄五十九兄皆來與之午餐訖方午睡起夏國山偕李根深春元來既霞酒一大甕予置蔣安然林頭笑曰得此可無渴矣

十四日始大雪欲拈韻作詞不果午後蔣安然他出予方危坐閱犀軸記有感於沈公青霞事而張冷石以轉而極嘗冒雪來別與之小酌抵暮乃別予晨起即以八行致冷石謂白門佳處清時清著開夢如仙為君甚喜書至冷石早出犹未及見

十五日雪晴至廟市逢王覺斯於書肆買會典及李念濟鄂匪石諸公疏十數種午後復去市散矣晚至趙景毅寓與禹海若酌是日得仲秋家報知作報時老母方從武林禮大士歸

十六日林樹菴先以刺相約云少頃當見過談久別去子邀穎壯其講玄簡一燕在其中之道晚坐予復詢日用應酬了無把柄奈何壯其以與人為善四字作主正昔儒所謂不必逐事不必遺事也談方暢聞則咏聲則禹海若趙景毅步訪予出酒飲之乘月色作別

十七日方別穎壯其去滿興借欲之聞中未言別五十六兄自越來詢以家間事知八月杪吾鄉大雨三日平地水漲較戊辰之災更高二尺云是日見有 旨盡先令者選諸臣恐有以錢糧參罰未經開復下部查覆則知俞命尚無期也

十八日初與禹廷兩兄約借朱二玄陳伯武遊於平子門

外以雪阻繼約朱陳兩兄晤於予寓復以疾辭乃携酒至陳所劉振賢亦預焉比踏雪歸日云暮矣

十九日雪未晴予與聖鑒訂採集遺事始末自萬曆起迄於今至遼之輿地奴之種類別為一卷俾善遠者有獲焉是日子三其事為綱聖鑒即手錄諸疏畫一卷

二十日閱疏抄之暇即理遺事諸奏記手筆筆凍不撤也晚窓無事令童子持雪為燈聊資吟樂晚沽酒浣寒方欲舉杯而寧方兄至飲之至醉乃去

二十一日錢稼至予以式如舅為花穎壯其幸雲鬢新私與俱來時以次日為予初度耳予出於薛家館會黃

南季子木諸君議促部覆且告以吾輩絕無參罰之故眾議未決散歸而穎壯其飯午後予方臥穎已行矣

二十二日晨起穎壯其至予與聖鑒安然借之遊阜城門外方策馬寧方兄至予旋馬與談少頃別遂與諸兄聯騎至郊外時殘雪未消潔光奪目琳宮紺碧參差掩映

出門即從北道走高梁橋風凜冽吹膚不可支乃乞火於道觀寒色少辟步行至大覺寺登高臺觀寶塔五已至萬壽寺叩巨鐘禮接引僻寺宏敞屬 神廟所構但

伊蒲闍寂焚備僅十餘僧耳至欲索胡餅一枚不可得乃出飲茶於道傍僧寮返騎於雲通觀始得齋一罷即

歸日暮矣李公自十六日出是晚方歸

二十三日晝日作家報謀春初移家遠姚虞工來晤乃托其南歸郵致

二十四日金楚晚來談午後邀張二商姨夫及高八兄一飯席間夏國山至出客座晤之王覺斯以五律二十首相贊

二十五日借安然遊廟市午後倪鴻寶來因得聞昨日上召對事晚與諸兄擁爐手書遼事始末

二十六日何家表叔來晤晚爐坐有感因與聖鑒安然言古人有以愛妻換馬者予昨得王覺斯詩不忍釋手倘

挾艷姬便當易此安然以題極佳不可無詞乃刺燭共構漁燈兒一套漏下三商已可敬矣安然次成之聖鑒又次成之

十七日兀坐錄遼事始末王八舅自越來詢午後方梯曹大來至極髮晤之晚迎陳友國鼎者來與之商式如

勞事夜寒甚與安然抵足臥

二十八日朱友國傷自越至浙州復抵都其至浙訪李泰

家公祖也因出李諸郎君書而朱友道李理吾越善政尤悲戡兵一節尤得古人鎮定之妙是日陳生膺辭亦

來晤午後安然聖鑒相繼出燈下評王覺斯二十律不

知漏盡二鼓矣

二十九日以姚甥歸復作書寄老母一友人特有明珠之贈以八行絕之午後睡起王覺斯至昇以刺稿百許全與之酌王力勉予讀書為千秋至因自述其讀書之樂

午夜一燈一管萬慮俱寂真不減南面百城也談至三鼓乃去

三十日是為一陽之始予以候命不得預班行日過南憲尚未起迨手書遼事數行朱樵風自南都以慶賀入

事竣來晤予未別吳儉育至歡與之訪朱二玄不果予獨出晤張二商姨夫及李子本年元

閏十一月初一日姚甥來別南歸予附之家報并囑其以近况語老母頃之錢長吉亦以附書來且郵寄仲尼家

報一紙遠寧方兄至遂共餐而飯別後坐對一燈閱陸宣公奏議盡半卷

初二日午後邀王姊丈一飯王為子仙之弟贅於寧方兄家者席間得郵觀于書

初三日臥未起即知姚甥之行尚遲也方閱書傳趙景毅來訪迎之於書室奕數局相期晤黃及南年兄探近事

而彭謙木至談頃別去與景毅之及南寓知計郵覆恭

罰之疏初七日且上但未卜 俞旨何如耳歸卓郵觀

子報章晚再作家報寄西兄

初四日蔣安然為予擇日蓋子預計學家耳緘家報之餘

惟就几車違事始末是夜展轉不寐至四更盡

初五日午後季子木至談久別去子選聖鑒安然季公入

宋氏園無野趣但栢木蕭蕭耳再數步至驚峰寺禮

梅檀像歸來風甚厲沽酒禦寒覺餘興未已乃憶子初

度之日郊遊頗暢作字一紙一食記其事韻險而調復

澹成半即就榻

初六日宋又希李雲鬢俱來晤頃之朱友國傷曹丈禱孝

亦入見數客盤桓日停午笑五十六兄五十九兄於午

後至方談吾族事而黃叔南自計都返抵子寓蓋以復

予計都覆疏之詢也燈下始理前曲不一鼓足成之

初七日張丈大謬予隣人也來見吳玄素媿又自越中入

部亦晤予且出外父及內子二書午後車違事強遣賸

魔去晚與諸兄散步即返

初八日蕭中諸生黃履雷黃元夫未晤出其示為制義以

示韓丈朱錦之邳州未別午後十四兄六十三兄相繼

至市胡餅啖之子於從信錄：違事始末自泰昌元年

八月至天啟七年八月止是日始竟

初九日蔣安然欲訪道於賴壯其子及聖鑒借之去頃之

壯其未面為信宿之談向李梅公黃王屋携榼餉予至

夜分乃去復剪燭與壯其談三鼓始就榻是日履賸汪

初十日張篤匪來晤午後邀蕭中李丈燦箕曹丈禱孝黃

友元夫履曹一飯季公預為席未竟王覺斯至子邀之

坐書室復出送客乃與覺斯小酌少頃劉蘭然至亦啜

三齋聯騎而去

十一日作家報附朱樵風吳儉約訪朱二玄子以肅客辭

之晚邀吳玄壹兄弟及朱樵風小酌是日彭沆存未晤

彭為年家兄弟也

十二日王雲美同柳白嶼過訪予出張少華所惠刁酒酌

之柳自述少年被誣事及黔中遇難幾死者再談之媿

媿令人忽為寒栗忽為解頰午後約吳儉育訪朱二玄

抵蕭寺始知二玄已聞制矣悵然而返道中間說傳司

農之疏復行樞按子遂有給假之謀商之劉振賢是子

說借劉振賢商之黃叔南亦是子說

十三日晨起知司農疏奉 旨仍部覆也以數札走詢劉

振賢黃叔南吳儉育知乞假之事不可為乃作家報遺

奴子歸欲取內子北上是日張三峩未晤

十四日走晤朱二玄坐談之頃相對凄然使通晤陳伯武

歸有羞色矣是日得張華東師書燈下復之并作報書
外父內兄及鄭九華

十五日作李葵孺錢昭自黃季候郵覲于諸公書午後寧
方兄王雲萊相繼至皆談久乃去燈下旋往來與之酌
而去

十六日作姚通所書及作平安報於老母及兩兄促內子
北上頽壯其來乃摘蔬為飯與之言足民之術願所談
皆經濟但以得治人為難耳燈下以內子所經那邑預
備穀利具單於鄭九華防中途之厄也

十七日緘封家報何甥光輝者至坐項王雲萊同姜仁起
來訪善言其鄉有徐君迎慶徐相國之孫善詞曲其示
蓄甚富當為予構之

十八日德德聖鑒安然兩兄作北劇以資諧笑蓋兩兄以
能詞嗜有聲也偶聞蔡之姓傳因以胡茄十八拍令安
然謔之劉根賢相晤後予出再晤朱二玄使通訪季子
木不值訪吳儉育有客盍盆予不得交一語即返

十九日聖鑒思作劇若無佳題乃就陳伯武借點異編閱
一過皆兒女子態聖鑒以其非英雄本色也乃別為桐
江老一傳洎晚吳儉育來晤

二十日方閣萬曆疏抄蓋自移寓於此逾月而終八卷其

餘日消於手錄逸事者多耳寧方兄來王家八舅以且
歸越亦未與之飯午後小憩日之夕矣散步即歸諸
之暇擁爐讀牛秀才周春行記一事未成

十一日僕倪三蘭年兄手書朱君先照來晤談次知為
彭謙木識技士也午後風沙蔽天王雲萊同孟弁至孟
為甥輩行從戎燈中因詢其安甯事

十二日風日稍和頽壯其以九邊圖說及其所著太平
新議未示與之共飯談頃李雲鬚遣至蔣安然以玄備
從學於壯其予因得聆玄修緒論別去季子木年兄至
借之訪劉振賢不值復訪黃以而扣門久之始入歸已

深暮矣

十三日陳墨林過訪周泰行記諸始成予書匣中寶笈
已罄先日以手書促錢長吉別貸午間錢以復予至別
去日已西少憩即出訪劉訥年公祖

二十四日晨起未飯陸君偃以衛廉解差入都過訪頃之
王奉初亦未別去手書與黃王屋又以書復吳儉育
二十五日手疏焚呂祖前蔣安然授以玄備之訣少頃寧
方兄來燈下閱疏抄畫一卷

二十六日再與蔣安然談玄不數語奉初兄使其侄以所
曾至別去黃以而末為給假之謀而知事之未若濟也